



Broj: 0101-11547/22
Sarajevo, 21.10.2022. godine

Organizacione jedinice Univerziteta u Sarajevu

n/p **dekani/ce/direktori/ce**
prodekani/ce za kvalitet
sekretari/ke

Predmet: Informacija o preuzimanju i distribuciji informativnog materijala, *dostavlja se*

Poštovani/e,

U sklopu aktivnosti Vijeća za rodnu ravnopravnost UNSA i Univerzitetskog gender resursnog centra (UNIGeRC)*, dostavljamo vam informativni materijal o prevenciji i borbi protiv rodno zasnovanog uznemiravanja i nasilja, uz poziv da u narednom periodu organizujete dostupnost i distribuciju istog u prostorima organizacionih jedinica Univerziteta u Sarajevu.

Univerzitetski gender resursni centar (UNIGeRC) je uspostavljen na Univerzitetu u Sarajevu, u okviru univerzitetskog Centra za ljudska prava, kao tijelo za koordinaciju aktivnosti u oblastima rodne ravnopravnosti i borbe protiv rodno zasnovanog nasilja, seksualnog uznemiravanja i diskriminacije u visokoškolskim ustanovama. Centar je nastao sa ciljem da nastavnom osoblju fakulteta, studentima, studenticama kao i zaposlenima u administraciji pruži resurse i znanje o rodnim pitanjima kako bi se unaprijedilo njihovo odgovorno djelovanje u svom kruženju. UNIGeRC je nastao u sklopu projekta „Uvođenje rodno osviještenih politika u visoko obrazovanje“ (UNIGEM) koji predstavlja stratešku opredijeljenost univerziteta da uvođenjem rodne perspektive osiguraju rodnu ravnopravnost i siguran ambijent za nastavno i administrativno osoblje, studente i studentice na univerzitetima u Bosni i Hercegovini i regiji. Projekat finansira Vlada Ujedinjenog Kraljevstva, a njegovu implementaciju izvodi TPO fondacija kroz regionalnu saradnju sa 18 univerziteta/sveučilišta iz Bosne i Hercegovine, Hrvatske, Srbije i Crne Gore.

Gore navedena aktivnost jedna je od aktivnosti koje se realizuju u okviru provođenja Akcionog plana za rodnu ravnopravnost Univerziteta u Sarajevu za period 2022-2023. godine (u daljem tekstu: Akcioni plan) usvojenog Odlukom Senata Univerziteta u Sarajevu br. 01-23-65/21 od 22.12.2021. godine.

Pored distribucije dostavljenog štampanog informativnog materijala, organizacione jedinice UNSA trebaju preuzeti i odgovarajući video materijal koji je dostupan na linkovima <https://unigerc.unsa.ba/video-materijali-nesvjesna-pristrasnost/>, https://www.youtube.com/watch?v=a_mesqeESvw i <https://www.youtube.com/watch?v=FqIYOigl9e4> i učiniti ga trajno dostupnim na svojim zvaničnim web stranicama.


Dodatno, sve organizacione jedinice će sa email adrese koordinator6@tpofond.org putem usluge WeTransfer dobiti sve materijale, dostupne na gore navedenim linkovima (ukupno 8 videa), radi njihovog cjelodnevnog prikazivanja tokom određenog perioda, npr. oktobra, novembra i decembra 2022., na organizacionim jedinicama gdje za to postoje tehnički preduvjeti (LCD-ovi u holovima, učionicama ili amfiteatrima).

Navedeni materijal će u narednim danima biti dostavljen na pisarnice i prijemne kancelarije svih organizacionih jedinica Univerziteta u Sarajevu, te vas ljubazno molimo da za potrebe promocije i dokumentacije ove aktivnosti sačinite kratku povratnu informaciju sa pratećim foto materijalom i dostavite je na mail adrese Vijeća za rodnu ravnopravnost UNSA i Univerzitetskog gender resursnog centra, (UNIGeRC): rodnaravnopravnost@unsa.ba i unigerc@unsa.ba. Dodatno, iste mail adrese možete koristiti i u slučaju potrebe za dodatnim pojašnjenjima i informacijama o realizaciji ove aktivnosti, kao i kontaktirati g-đu Lamiju Subašić, koordinatoricu projekta UNIGEM i centra UNIGeRC, na 061 14 05 61 ili 061 61 67 46 i/ili Ivanu Kulić, koordinatoricu UNIGeRC-a, na 033 66 33 50 ili 066 54 66 46.

S poštovanjem,


VODITELJICA

Prof. dr. Jasna Kovačević
Vijeće za rodnu ravnopravnost
Univerziteta u Sarajevu



REKTOR

Prof. dr. Rifat Skrijelj



Dostaviti:

- ☉ Naslovu
- Centar za ljudska prava UNSA (UNIGeRC)
- a/a